

Kommunal plan for anlegg og område innan idrett og friluftsliv i Vågå kommune 2024-2028



1. INNHALD
2. INNLEIING
3. IDRETT OG IDRETTSANLEGG
 - 3.1 Målsetting
 - 3.2 Idrettslag og klubbar
 - 3.3 Andre nærmiljøanlegg
 - 3.4 Leikeareal knytt til bustadfelt
 - 3.5 Anlegg. Aktivitet og behov framover
 - 3.6 Konklusjon
 - 3.7 Handlingsplan 2024-2028
4. PLAN FOR FRILUFTSLIV
 - 4.1 Målsetting
 - 4.2 FN's bærekraftsmål
 - 4.3 Folkehelse, idrett og friluftsliv
 - 4.4 FYSAK Vågå
 - 4.5 Status og arbeid framover
 - 4.6 Aktørar
 - 4.7 Juridiske verkemiddel
 - 4.8 Økonomiske verkemiddel
 - 4.9 Samarbeid
 - 4.10 Handlingsplan 2024-2028

2. INNLEIING

Kulturdepartementet gav i Rundskriv V-35/93, jf. V 5/98 alle kommunane pålegg om å utarbeide ein plan for anlegg innan idrett og friluftsliv. Fyrste delen av plandokumentet omfattar idrett, idrettsanlegg og nærmiljøanlegg, medan andre delen omfattar anlegg og område for friluftsliv. Handlingsplan for perioden 2024-2028 står etter kvart område.

Arbeidet med ny hovudrullering starta i april 2024. Folkehelsekoordinator med ansvar for idrett og friluftsliv la fram forslag til ny plan for Vågå idrettsråd, samt at planen har vore senda ut til gjennomsyn og for innspel til alle klubbar og lag innanfor idrett og friluftsliv knytt til Vågå idrettsråd. . Planen blir senda ut til høyring og gjennomsyn hausten 2024. Planen blir så revidert etter innkomne innspel, og til slutt politisk handsama.

2. FØRINGAR

1. Kartlegging av idrettens betydning i Innlandet, desember 2023
2. Bestemmelser om tilskudd til anlegg for idrett og fysisk aktivitet
3. Regjeringens idrettsstrategi: Sterkere tilbake- en mer inkluderende idrett
4. Meld. St 18 (2015-2016). Friluftsliv – Natur som kilde til helse og livskvalitet. Friluftsliv er den vanlegaste forma for fysisk aktivitet. Gjennom meldinga vil regjeringa bidra til at enda fleire driv med friluftsliv, noko som gjev betre helse og høgare livskvalitet.
5. Sammen om aktive liv. Handlingsplan for fysisk aktivitet 2020-2029.
6. Nasjonal handlingsplan for statlig sikring og tilrettelegging av friluftslivsområder (2013). Gjev føringar for prioritering av areal til friluftsliv.
7. Folkehelsemelding Meld. St. 15 (2022–2023) — Nasjonal strategi for utjamning av sosiale helseforskjellar.

3. IDRETT OG IDRETTSANLEGG

3.1. Målsetting

Hovudmålsettinga er å utvikle eit rikt opplevings- og fritidstilbod for innbyggjarane, med vektlegging på trivsel, velferd og utvikling.

Delmål er å leggje til rette for fysiske aktivitetar med tanke på utvikling, aktivitet, trivsel og helse, gjennom ei fornuftig utbygging av idrettsanlegg og nærmiljøanlegg, og ved å stimulere til auka innsats for å ta vare på eksisterande anlegg.

Idrettspolitikken i Norge skal bidra til at folk har eit breitt spekter av lokalt forankra aktivitetstilbod, både i regi av den friviljuge medlemsbaserte idretten og gjennom moglegheita for eigenorganisert aktivitet.

Idrett og fysisk aktivitet har positive effekt både for kvar enkelt og for samfunnet. Det

går ikkje noko klart skilje mellom eigenverdien ved fysisk aktivitet og den samfunnsmessige betydinga idrettsarbeidet har. Idrett er viktig på alle nivå, for alle som driv med det, og for mange rundt dei, og verdien og effekten knytt til utøving av idrett er hovudgrunngevnaden for den statlege støtta til idrettsformål.

Det er viktig å støtte den friviljuge, medlemsbaserte idretten, slik at ein kan oppretthalde og utvikle eit omfattande og godt aktivitetstilbod der folk bur. Det er også viktig med gode idrettsanlegg som gjev flest mogleg anledning til å drive idrett og fysisk aktivitet, og som speilar aktivitetsprofilen i befolkninga.

Den viktigaste målgruppa for den statlege idrettspolitikken er barn og ungdom.

3.2 Idrettslag og klubbar i Vågå per 2023

Namn	Medlemstal totalt	Medlemar under 18 år
Vågå IL	432	243
Sjårdalen IL	176	46
Tessand IL	288	157
Lalm IL	245	75
Jotunheimen MX- klubb	18	8
Jotunheimen Fjellsportklubb	262	90
Vågå Skyttarlag	197	45
Vågå Pistolklubb	29	0
Lalm ishockeyklubb	89	25
Ottadalen sykkelklubb (tilhøyrrer Lom idrettsråd)	70	28
Jetta luftsportklubb	15	0
Ottadalen hestesportklubb	72	28

3.3 Anlegg

Lalm IL:

- Ljosløype og rulleskiløype
- Skianlegg på Heidalsskogen saman med Heidal IL
- Friidrettsstadion
- Grasbane fotball
- Nytt klubbhus 2024
- Padeltennisbane
- Diskgolfbane



Sjårdalen IL:

- Ljosløype
- Tennisbane
- Aktivitetsplass med sandvolleyballbane
- Klubbhus
- Turløyper/stignett
- Friidrettsbane/løpebane
- Gapahuk Storhovda



Tessand IL:

- Mån skileikanlegg:
 - Klubbhus, nybygging pågår
 - Ljosløype
 - Gapahuk
 - Aktivitetsområde



Vågå IL:

- Grasbane 11 er fotball
- Minigrasbane fotball
- Kunstgrasbane fotball
- 2 multisportbaner (fotball, bandy, volleyball, badminton)
- 2 tennisbaner
- Planlagt klubbhus med klatrevegg



Lalm ishockeyklubb på Proel isarena:

- Klubbhus
- Curlingbane
- Ishockeybane



Jotunheimen fjellsportklubb:

- Klatrevegg Vågåhallen
- Buldrerom industriområdet
- Planlagt samarbeid om klubbhus med Vågå IL med buldrerom/klatrevegg 2024
- Nyttar også andre område både i Tronoberget /Lom, Ølberget på Vinstra og Røysa/Vågå.



Jotunheimen MX-klubb:

- Minicrossbane
- Hovedbane



Dompe aktivitetspark:

- Fotballbane
- Ake- og skileik
- Leikeplass
- Utstyrslager
- 2 parkour-apparat skal på plass i 2024



Moajordet aktivitetspark:

- Skatepark
- BMX/sykkebane
- Parkour
- Volleyballbane
- Leikeplass

Vågå kulturhus/Vågåhallen:

- Nytt svømmebasseng 2024

Vågå Pistolklubb:

- Pistolskytebane i Skogbygda grendahus
- Pistolskytebane på skyttarbana

Vågå skyttarlag:

- Skyttarbana
- Innandørs miniskytebane Skogbygda grendahus



Ottadalen hestesportklubb:

- Ride- og kjørebane på Klonas
- Ønske om nytt klubbhus på Klonas

3.4 Andre anlegg og nærmiljøanlegg i Vågå

- Lalm barnehage : stor ski- og akebakke. Ballbinge og sykkelløype.
- Sjørdalen samfunnshus : Gymsal
- Skogbygda og Skårvangen grendehus : utleigerom
- Skogbygda fleirbruksbane : bane for hest og hund
- Vågå ungdomsskule : nærmiljøanlegg, grasbane, handballbane
- Vågåmo skule : ballbinge, handballbane, grasbane, nærmiljøanlegg
- Midtli grendehus : utleigerom, pistolbane
- Lemonsjøen alpingsenter : alpinløyper
- Vågåfjell turløyper SA. 300 km med skiløyper og mange turstigar. Skal også bli sykkel- og turstigar i Vågå kommune.
- Lemonsjøen løypenett: skiløyper ved Lemonsjøen og i Sjødalen
- Sjødalen vandrerute/Munch
- Aktivitetshuset ved Vågå ungdomsskule : kulturskolen sine aktivitetar
- Randsverk : gapahuken
- Klonas : gymsal
- Sjørdalstrimmen v/ Sjørdalen kvinnelag
- Vågåtrimmen v/ Andersen Gott
- Tessand grendehus : klatrevegg, grasbane
- Søre Grindstugu barnehage
- Ponderosa Downhill i Nordherad
- Villa Aktiv, treningssenter
- Tytingen gards og naturbarnehage

3.4 Leikeareal knytt til bustadfelt:

- Stokstadåsen
- Sveaholen
- Lalm
- Utstillingsplassen
- Kjøpangerjordet
- Nedre Langskåre
- Haugøyjordet
- Dompe
- Randsverk
- Krokjordet

Område regulert til leik går elles fram av den enkelte reguleringsplan.

Økonomiske verkemiddel

- Spelemiddel/tippemiddel
- Lokale aktivitetsmiddel
- Utstyrsmiddel

3.6. Konklusjon

Den totale anleggsmengda i Vågå dekkjer ein tilfredsstillande variasjon av ulike aktivitetar. Likeins representerer anleggsmengda ei fornuftig geografisk spreiding, der det er teke omsyn til behov både i sentrum og i grendene. Den viktigaste oppgåva framover må vera vedlikehald og rehabilitering av eksisterande anlegg. Samstundes må ein sjå på behov som oppstår i høve til ulike aktivitetar. Idrettslag og klubbar bør vurdere økonomiske og praktiske sider på tanke på sambruk. Nærmiljøanlegg er ei prioritert stønadsgruppe, og ei utbygging av slike anlegg skapar aktivitet og trivsel. Vågå er ei Fysak-kommune, og skal såleis ha fysisk aktivitet høgt oppe i sine prioriteringar, også i budsjettsamanheng. Ei utfordring som ein ser i mange aktivitetar, er å rekruttere leiarar i det frivillige aktivitetsarbeidet. Det er difor viktig å ha eit godt fungerande idrettsråd og samarbeid med mellom anna Innlandet idrettskrets.

3.7 Handlingsplan 2024-2028

Nærmiljøanlegg er ei prioritert stønadsgruppe, og ei utbygging av slike anlegg skaper aktivitet og trivsel. I spelemiddelordninga er det to pottar; ein for nærmiljøanlegg og ein for ordinære anlegg. Nærmiljøanlegg er berre uteanlegg, og ein plass for eigenorganisert aktivitet. Det er eit mål å halde kostnaden på medlemskap nede i alle lag for å utjamne sosiale forskjellar.

4. PLAN FOR FRILUFTSLIV



4.1 Målsetting

Friluftsliv er ein viktig del av norsk kultur og tradisjon. Norsk friluftsliv er kjenneteikna ved naturvenleg ferdsel og omsynsfull bruk av naturen. Friluftsliv blir definert som «opphald og fysisk aktivitet i friluft med sikte på miljøforandring og naturopplevingar». Ut frå denne definisjonen er det fastsett at «det skal leggjast vekt på ein kjerne av ikkje konkurranseprega, ikkje motoriserte fritidsaktivitetar som drives på allment tilgjengelege naturprega område». Målet om eit naturvenleg friluftsliv gjer at samtidig som ein må arbeide for mest mogleg aktivitet, må ein også prøve å unngå uheldige inngrep, slitasje og forstyringar i naturen. Rettleiing og informasjon er generelt viktig for både «nye» og meir tradisjonelle aktivitetar.

4.2 FNs bærekraftsmål

Noreg si regjering har bestemt at FNs 17 bærekraftsmål skal vera det politiske hovudsporet for vår tids største utfordringar. Fleire av bærekraftsmåla vil også ha innverknad på kommunen sitt folkehelsearbeid. Bærekraftsmål 3 skal sikre god helse og fremme livskvalitet for alle, uansett alder. Bærekraftsmål 11, Berekraftige byar og samfunn - delmål 11.7, skal sørgje for; “allmenn tilgang til trygge, inkluderende og lett tilgjengelige grøntområder og offentlige rom, særlig for kvinner, barn og eldre samt personer med nedsatt funksjonsevne”.

4.3 Folkehelse, idrett og friluftsliv

Å få fleire til å delta i fysisk aktivitet utandørs vil gje gode folkehelseeffektar.

Friluftsliv kan vera ein nøkkel til å få med mange som i dag er inaktive, fordi:

- 36 % av dei som svara i folkehelseundersøking av 2023, oppgav at dei var i aktivitet 2-3 gonger i veka.
- Yngre og personar med høgare utdanning og inntekt er grupper som har særleg høg deltaking, medan einslege forsørgjarar og personar med låg utdanning og inntekt deltek i mindre grad. Å gå tur er den vanlegaste aktiviteten i alle grupper, og det er låg terskel for å bli med. Kombinasjonen fysisk aktivitet og naturoppleving gjev gode helseeffektar, og friluftsliv er ei viktig kjelde til livskvalitet og både fysisk og psykisk helse.

Kvardagsfriluftslivet er av stor betydning for den generelle folkehelsa. Merka turstigar, skiløyper, akebakkar, badeplassar, fiskeplassar, skogsområde og andre grøntareal i nærleiken av der folk bur, er viktige å ivareta og utvikle.

Stigar og løyper er friluftslivets viktigaste anlegg/infrastruktur, og ein forutsetnad for å få folk meir aktive. Eit godt og samanhengande stig- og løypenett, som tilfredsstiller ulike brukargrupper sine ønskje og behov, er difor viktig.

Innlandet fylkeskommune gjev gjennom ulike ordningar tilskot til sikring av friluftsområde, frilftsaktivitet og tiltak i sikra friluftsområde.



4.4 FYSAK Vågå

FYSAK Vågå har følgjande hovudmål : « Bidra til å betre helsa til folk i Vågå kommune generelt, auke livskvalitet, trivsel og redusere sjukdom. Delmål : Motivere dei som fell utanom organisert aktivitet, samt foreiningar til å bli meir aktive.» FYSAK har såleis ei viktig rolle i kommunen til å vera med og stimulere til fysisk aktivitet.

Lag og organisasjonar kan søkje økonomisk støtte til fysisk aktivitet i Vågå kommune. I 2024 er potten på 30 000 kr. Kvart år støttar Fysak "Stolpejakten i Vågå", som etter kvart har blitt eit veldig populært folkehelseiltak.

I 2024 har Fysak Vågå sjølv ute 4 turpostar både innan kortare turmål og lengre turmål. Kvar haust blir det trekt ut eit gåvekort og småpremiar.



4.5 Status og arbeid framover

Barn og unge er ei målgruppe innan friluftsliv. Vågå kommune har ein eigen lokal læreplan for uteskule og friluftsliv. Her er det lagt inn aktivitetar for kvart årssteg i heile kommunen, både fagleg stoff og opplæring frå den generelle læreplanen for alle årssteg, kombinert med aktivitet utandørs både i Vågå og utanom kommunen. Elevane får også innsikt og auka medvit for kulturlandskapet i Vågå, samt til historier og kvalitetar knytt til landskapet.

Med eit totalareal på 1326 km², der mesteparten av arealet er fjell og skog, er det god plass for å drive friluftsliv i Vågå. Vågå kommune har inngått eit samarbeid med Sel og Lom kommunar om stig- og løypenett i kommunane. Formålet med samarbeidet er å legge til rette for god dialog på tvers av kommunegrensene og mellom ulike aktørar/brukarar av løypenettet (ski/sykkel/fottur) Organiseringa skal legge betre til rette for felles drøfting og avklaring av eventuelle behov for konkrete tiltak i løypetraseane, justeringar, tilrettelegging for sykling med meir, til det beste for alle brukargrupper. Områda ved Lemonsjøen (Heimfjellet) og i Sjodalen er mest brukt i friluftslivsamanheng. I desse områda er det også flest private hytter og turisthytter i kommunen.

Tilkomsten til områda er gode og det er mykje attraktive turmål. Turstig- og løypenettet er bra, og jakt- og fiskehøva gode. Nærområda og fjellet kring grendene er spesielt viktige friluftsområde for Vågå sine innbyggjarar.

Lalm	Tolstadåsen, Kvennberget og Heidalsskogen
Sjårdalen	Bringsfjellet, Ottlie og Åsen
Tessand/ Randsverk	Veslvassfjelle, Storviksmorkje, Tesse
Vågåmo	Vanglandet, Likvegen, Lindalen
Nordherad	Turstigar frå sentrum til Lom si grense, til saman 50-100 km.
Skogbygda og Skårvangen	Finndalen, Nordsetrene og Jøndalen
Skjellum/Sæta	Jetta-området

Jakt og fiske i Vågå er populært og det er seld både mange tusen fiskekort og småviltjakkort årleg i kommunen. Det er laga egne jakt-og fiskekart for Langmorkje og Nordherad statsallmenningar. Elles har Vågå fjellstyre eigen heimeside med oppdatert informasjon, der dei også mellom anna har hytteutleige tilgjengeleg, både for innanbygds og utanbygds.

4.6 Aktørar

Aktørane i arbeidet med friluftsliv kan delast i tre kategoriar ; det offentlege, friluftslivsorganisasjonar og grunneigarar. I tillegg kjem reiselivet. Statsskog og fjellstyret er innanfor dei to siste. På fylkesnivå er fylkesmannen og fylkeskommunen dei to mest sentrale innan det offentlege. Friluftslivsorganisasjonane representerer eit breitt spekter av aktivitetar og arbeider ut frå egne målsettingar. Lalm turlag i regi av Lalm IL og DNT Gudbrandsdalen arrangerer også turar gjennom heile året. Grunneigarorganisasjonane forvaltar arealressursane for friluftslivet og er på den måten premissleverandør for utøvinga av dette. Grunneigarane disponerer rettar på eigedomane og kan til dømes nekte inngrep og tilrettelegging.

4.7 Juridiske verkemiddel

Naturmangfaldlova er ei sektor-overgripande lov, som gjeld alle tiltak og all bruk som påverkar norsk natur. Det betyr at beslutningar som blir gjort etter anna lovverk, for eksempel plan- og bygningslova, må sjåast i samanheng med naturmangfaldlova. Plan- og bygningslova styrer arealplanlegging på riks-, fylkes- og kommunenivå. Dette er den viktigaste lova når det gjeld forvaltning av arealressursar og dermed ivaretaking av naturvern- og friluftslivinteresser. Kommuneplanen sin arealdel og reguleringsplanar er viktige også med omsyn til friluftslivet.

Friluftslivlova sikrar den frie ferdselsretten i utmark og retten til å plukke bær og sopp. Lova pålegg alle som ferdast i naturen ein generell plikt til å vise omsyn og varsemnd (§11), og regulerer elles mange tilhøve som er knytt til utøvinga av friluftsliv.

Vassressurslova har reglar om både bruk og utnytting av, samt ferdsel i vassdrag.

Lov om motorferdsel i utmark og vassdrag tek sikte på å verne om naturmiljøet og fremje trivselen, altså å tilgodesjå rekreasjonsverdiar, friluftsliv og naturopplevingar. I lov om forvaltning av naturens mangfald står det : «Lovens formål er at naturen med dens

biologiske, landskapsmessige og geologiske mangfold og økologiske prosesser tas vare på ved berekraftig bruk og vern, også slik at den gir grunnlag for menneskenes virksomhet, kultur, helse og trivsel, nå og i framtida, også som grunnlag for samisk kultur».

I lov om viltet er formålet å forvalte viltet og leveområda for viltet slik at produktiviteten og artsfridomen i naturen blir ivareteke. Innanfor denne ramma kan viltproduksjonen bli hausta til gode for landbruksnæring og friluftsliv.

I lov om laksefisk og innlandsfisk er formålet å sikre naturlege bestandar av laksefisk og ferskvassfisk samtidig som dei kan bli utnytta best mogleg av allmenta og fiskerettshavarane. Lova heimlar ulike verkemiddel for å sikre fisketilbodet for allmenta, mellom anna retten til å fiske gratis alle plassar for dei under 16 år.

I formålsparagrafen til lov om skogbruk og skogvern står det at det skal bli lagt vekt på verdien skogen og har som rekreasjonskjelde for menneska, som ein viktig del av eit landskapsbilete, som livsmiljø for plantar og dyr og som område for jakt og fiske. Det kan etter § 17 b bli fastsett forskrifter for område av særleg verdi for friluftsliv.

I følge Fjelleva skal fjellstyret «arbeide for å sikre at allmenningen vert brukt på ein måte som fremjar næringslivet i bygda og tek vare på naturvern- og friluftslivsinteressene».

Lova slår vidare fast at «kommunestyret skal syte for at jakt-, fiske- og friluftslivsinteressene vert representerte i fjellstyret...» Omsynet til friluftsliv er ivareteke gjennom ei rekkje særlover. Av andre lover kam nemnast jordlova, konsesjonslova, kulturminnelova og lov om bygdeallmenningar.

4.8 Økonomiske verkemiddel

Innlandet fylkeskommune har forvaltningsansvaret for statlege tilskotspostar innanfor vilt, friluftsliv og kulturminnevern, og fordeler kvart år middel til ulike tiltak. Det er også statlege tilskotsordningar til andre naturforvaltningstiltak som blir forvalta av Stasforvaltaren. Landbrukskontoret i Vågå og Sel administrerer tilskotsordningar som går til spesielle tiltak i jordbruket sitt kulturlandskap. Dei administrerer også middel som kan bli nytta til å betre framkomsten i jordbruksområde ved etablering av turveggar og stigar. Tippemiddel kan gå til anlegg for friluftsliv som turveggar, turskiløyper og turkart. Kulturmiddel er middel som alle friviljuge organisasjonar kan søkje på i kommunen. Statens utdanningskontor kan gje tilskot til forsøks- og utviklingsarbeid etter søknad frå skular. Statskog gjev tilskot etter søknad til ulike friluftstiltak.

4.9.Samarbeid

Aktuelle partar å samarbeide med friluftsliv om er velforeiningar, turlag, jeger- og fiskeforeininga, DNT Gudbrandsdalen, naturvernforbundet, laga innan idrett og friluftsliv, fjellstyret, 4 H-lag, Jotunheimen reiseliv, grunneigarlag, grendelag, grunneigarar, småbrukarlag, bondelag med fleire.

4.10 Handlingsplan 2024-2028

Nærmiljøanlegg er ei prioritert stønadsgruppe, og ei utbygging av slike anlegg skaper aktivitet og trivsel. Innlandet fylkeskommune, og dermed Vågå kommune, arbeider for at alle skal ha høve til naturopplevingar og friluftsliv i nærmiljøet sitt. Kvardagsfriluftslivet er av stor betydning for den generelle folkehelsa. Merka turstigar, skiløyper, akebakkar, badeplassar, fiskeplassar, skogsområde og andre grøntareal i nærleiken av der folk bur er viktige å ivareta og utvikle.

Innlandet fylkeskommune kan gjennom ulike tilskotsordningar gjeva tilskot til sikring av friluftsområde, friluftaktivitet og tiltak i sikra friluftsområde. Her må Vågå kommune søkje på tilskot der ein kan.

Vågå kommune jobbar med å få til kart over alle merka løyper i heile kommune. Per dags dato er det eit godt merka løypenett ved Lemonsjøen og i Sjodalen, der aktiviteten er stor vinterstid. «Hulderstigen» i Sjodalen er mykje brukt og er ein 5,5 km lang natur og kulturstig med 15 informasjonstavler undervegs. Informasjonstavlene er teksta både på norsk, engelsk og tysk. Elles har Vågå mange stigar og turløyper ved Gjende, som alle er godt merka gjennom DNT. Friviljuge har utarbeidd eit kart over alle turstigar på Lalm, der sykkel- og gåstigar er merkt. Nordherad grendalag har også utarbeidd eige kart og informasjonstavler over stigar i Nordherad. Sjørdalen II har merka turløyper i heile Sjørdalsfjellet, på Bringen og i Heimfjellet. Sveaholen Vel og prosjektet "Turstigar Nugga – Grøna" har skilta og sett opp tavler i store delar av Skjellum, Sæta og Jetta.

Det var i 2014 etablert og merka eigen sykkelrute på solsidevegen mellom Vågå og Lom. Vågå kommune har kartlagt og verdsett viktige friluftsområde. Kartlagde friluftsområde er eit av temadatasett som inngår i det Det offentlege kartgrunnlaget (DOK) DOK er definert i plan- og bygningslova §2-1 og i kart- og planforskrifta, og er dei datasett som skal leggjast til grunn ved behandling av saker etter plan- og bygningslova i kommunane. Eit mål med kartlegginga er å sikre at viktige friluftslivsområde blir ivareteke i offentlig forvaltning og planlegging som ein viktig ressurs også for framtida. God tilgang til friluftslivsområde er ein ressurs både i folkehelsesamanheng og også innan naturbasert reiseliv. Kartlegging og verdsetting av friluftslivsområda i kommunen er på nasjonalt nivå vurdert som ein grunnleggande føresetnad for god forvaltning og ivaretaking av desse områda på lang sikt. Kartlegging vil gje eit betre grunnlag for ivareta friluftinteressane gjennom planlegging og behandling av enkeltsaker. Vidare vil det gje betre grunnlag for meir målretta forvaltning og underlag for eventuelle søknader om spelemidlar/sikringsmidlar, samt vere eit godt grunnlag om ein skal utarbeide stig- og løypeplan.